

Barcelona

QUATRO PAPELES PRESENTADOS POR EL SEÑOR OBISPO
de Barcelona, à que se dà inteligencia en los numeros 21. hasta 30. y en
los numeros 54. hasta 60. de la Alegacion.

1694

meat

PAPÉL PRIMERO.

VNIVERSIS, & singulis dominis Officialibus, Judicibus, & alijs quibuscumque personis, tam Ecclesiasticis, quam Secularibus quacumque auctoritate, & dignitate fungentibus, seu futuris quibus presentes pervenerint, seu fuerint quomodolibet presentata. Franciscus Riu Presbyt. D. D. in Spiritualibus & temporalibus V. G. & Officialis Illustrissimi, & Reverendissimi Dñi Emanuelis de Alva Dei, & sanctæ Sedis Apostolicæ gratia Episcopi Barcin. Regijque Consiliarij, salutem in Domino. Per presentes attestamus, dicimus, & fidem facimus quod die dat. presentium, & infrascripta instati, & requisiti pro parte Ludovici Gual procuratoris Fiscalis Curia Ecclesiasticæ Barcin. vidimus, legimus, & nostris proprijs manibus tenuimus, ac maturè recognovimus quoddam decretum sanctæ Congregationis sanctæ Romanæ Ecclesiæ Cardinaliū S. C. T. interpretum, in papiro scriptum non vitiatum, nec cancellatum, neque in aliqua eius parte suspectū, sed omni prorsus vitio, & scriptionis labe carens tenoris sequentis. Mediolanen. matrimonij Joannes Baptista Pandianus ex Diocesi Novarien. qui iam uxorem duxerat in Belgio, ista adhuc vivente 19. Julij 1676. matrimonium contraxit cum alia in statu Mediolani. Is erat miles Tertij Germanorum degentium Mortaviæ in Diocesi Papien. Huic autem matrimonio non adstitit Præpositus loci, qui requisitus renuit assistere absque opportunis documentis liberi status, sed adstitit Capallanus dicti Tertij, qui Pandiani assertione contentus fuit, dixitque esse privilegium Tertij militum Germanorum, ut Capellanus eorum matrimonio assistat, talique privilegio stalos etiam illos intermixtos gaudere, detecto primo matrimonio Pandianus de Poligamia processatus in carceribus sancti Offitij Mediolani detinetur, examinataque prima, ac secūda uxore, Capellano, Pandiano, ac testibus præmissorum veritas convincitur solum hæsitatur de legitimitate assistentiæ Capellani. Quamobrè Sac. Cong. Sancti Offitij ad hanc S. C. Trid. remissit. An secundum matrimonium contractum coram dicto Capellano fuerit validum. Die 13. Novembris 1677. Sacra, &c. destulit resolutionem, & mandavit reformari dubium. Cum proxima habita Cong. sub die 27. Novembris approbatus fuerit tenor dubij infrascripti videtur nunc decernendum. An sit validum matrimonium contractum à milite in statione degente coram Capellano sui Tertij. Die xj. Decembris 1677. Sac. Cong. Concilij respondit matrimonia militum quocumque loco existentium, quocumque loco contrahenda fore nulla nisi doceatur de sufficienti facultate aut privilegio, quoad matrimonia præterita particulariter videatur, & hoc scribatur.

Riu

1694

batur. Eminentiss. Archiepiscopo Mediolanen. qui alijs Epif. prudenter communicet. Ita reperitur in registro autographo decretorum eiusdem Sac. Cong. Concilij *lib. 29 fol. 539. & 552.* In fidem &c. hac die 14. Augusti 1693. R. Pallan. S. C. S. cui quidem decreto coram nobis absque ulla suspitione sicut prædicitur exhibitum, & per Not. infrascriptum collationato volumus, & hortamur talem, & tantam fidem adhiberi, quæ qualis, & quanta suo vero originali prædicto si exhibitum foret adhiberetur. Dat. Barcinone, die 10. Ianuarij 1694.

Riu Vic. Gen. & Offic.

De mandato dicti Domini V. Gen. & Officialis presentata collationavit Doctor Franciscus Rifos Presbyter Not. & Curia Vicariatus Ecclesie Barcinonen. scriba cum Sigilli dictæ Curie impressione.

Locus Sigilij

Papel segundo.

PER Illustris & Reverend. Domine uti Fr. in quodam casu nuper ad hanc S. Congregationem Concilij Trid. delata innotuit B. E. P. P. qui Smi. D. N. auctoritate ipsius Concilij decreto interpretatur, nonnullos milites coram suæ legionis aut etiam maioris Exercitus Capellano matrimonia contrahere, non autem coram Parocho ut eiusdem Trid. decreto, *cap. 1. ses. 24. de refor. matr.* discrete cavetur. Quare ad trutinam revocari oportuit, num id valide fieri. Ac re sepius considerata differendo ad maturius examen inspectionem quoad matrimonia iam contracta, pro futuris censuit S. Congregatio, militum matrimonia quæcunque contrahenda coram Capellanis Exercituum in quocumque loco existentium fore nulla nisi doceatur de sufficienti facultate aut privilegio. Atque hanc S. Congregationis sententiam ad se relatam S. D. N. approbavit, idemque ad Amp. tuam scribi voluit quatenus decretum huiusmodi pro sua prudentia ijs ad quos spectat comunicet, ut ita animarum saluti ac tanti contractus legitime validitati consulatur. Ipsa igitur ita efficiet, ac de eo quod egerit certiorabit. Dum A. I. omnia prospera præcamur. Romæ XI. Decembris millesimo sexcentesimo septuagesimo septimo. Amp. T. uti Fr. stud. S. Card. Columba præfectus S. Archiepiscopus Bran. Ep. Vitasiens. Secret.

Concuenda este traslado con la carta, y orden de la Sagrada Congregacion

cion del S. C. de Trento, que para este efeto me fue entregada, à quien la
bolvè. Y en feè dello yo Thomas Camerino Notario Secretario de Breves, y
Comisiones Apostolicas en el Tribunal de la Nunciatura de su Santidad en
estos Reynos de España, lo signè, y firmè: en Madrid à 23. de Abril de mil
seiscientos y setenta y ocho años. En testimo + nio de verdad Thomas Came-
rino Notario Secretario. &c.

Copia huiusmodi quæ in regestris præsentis Curix invenitur cum
suo originali auctentico comprobata concordat, & ut eidem copix tan-
quam suo vero originali fides plenaria tribuatur. Ego Doctor Francis-
cus Rifos Presbyter Not. & Curix Vicarius Ecclesi. Barcin. scriba,
hic me subscribo, & meum quo utor appono Sig + num.

Locus sigil + li.

Papel tercero.

UNiversis, & singulis dominis Iudicibus, tam Ecclesiasticis, quàm
Secularibus, cæterisque personis quacumque auctoritate, & dig-
nitate fungentibus, seu functuris, quibus præsentis litteræ pervenerint,
seu fuerint quomodolibet præsentatæ. Franciscus Riu Presbyter U. I. D.
in spiritualibus, & temporalibus V. G. & Officialis pro Illustrissimo, &
Reverendissimo Dño D. Emanuele de Alva Dei, & sanctæ Sedis Apo-
stolicæ gratia Episcopo Barcin. Regioque Conciliario, salutem in Do-
mino. Per præsentis dicimus, attestamur, & fidem facimus, quod die
præsentis, & in infrascripta instati & requisiti pro parte, & ad instantiam
Procuratoris fiscalis Curix Ecclesiasticæ Bar. vidimus, legimus, ac no-
stris proprijs manibus tenuimus quoddam auctenticum transumptum
cuiusdam brevis Apostolici, non viciatum nec cancellatum, neque in
aliqua eius parte suspectum, sed omni prorsus vitio, & suspitionis labe
carens tenoris sequentis, videlicet. In nomine Domini Amen. Cun-
ctis ubique pateat evidenter, & sit notum quod anno à Nativitate Do-
mini nostri Iesu Christi millesimo sexcentesimo nonagesimo secundo
indictione decima quinta, die verò septima Ianuarij Pontificatus autem
Sanctissimi in Christo Patris, Domini nostri, Domini Innocentij divina
Providencia Papæ xij. anno eius primo Ego Not. publicus infrascript-
tus vidi legi quoddam sumptum sælicis recordationis Alexandri Papæ
viij. ex suo originali in forma brevis expedito extractum tenoris qui
sequitur, videlicet. Venerabiliter Fr. Humberto Guillelmo Archiepisco-
po Mechliniensis Alexander Papa viij. Venerabili Frat. Salutem
& aplicam benedictionem: Quoniam in Exercitu charissimi in Christo
filij nostri Caroli Hispaniarum Regis Catholici in Belgio multa sepè
con;

contingunt, in quibus pro salubri directione, & animarum salute, eorum, qui in castris degunt, & versantur, proque cognoscendis, & decidendis inter eos causis & controversijs ad forum Ecclesiasticum pertinentibus opera & industria unius personæ in Dignitate Ecclesiastica constitute opus est; propterea quod non facile ad locorum ordinarios, aut ad Nos, & Sedem Apostolicam recursus haberi potest, Idcirco Nos supplicationibus memorati Caroli Regis nomine nobis super hoc humiliter porrectis inclinati, fraternitate tuam præstanti amplissimi nam virtutum laude insignē huic rei duximus delegandam; Itaque tibi facultatem ad quinquennium proximum tantum harum serie tribuimus per te vel alium, seu alios Sacerdotes probos & idoneos, ac prævio examini diligenti approbatos à te; cum participatione & concentu dilecti filij Iulij Piazza Abbatis Sancti Georgij Baren. Dioecesi inter nuntij nostri in Belgio Burgundique comitatu, seu eius, quem forsitan in eiusdem Iulij locum in eiusdem munere deputari contingerit subdelegandos, omnem, & quamcumque iurisdictionem Ecclesiasticam in eos qui ibi pro Sacramentis Ecclesiasticis ministrandis pro tempore erunt (qui tamen in propria Dioecesi sub qua illorum ordinarij iurisdictionem suam ordinariam in eos exercere possent, non sint) sive Clerici etiam Presbyteri seculares, seu quorumvis etiam mendicantium ordinum regulares fuerint exercendi, per inde ac si quoad Clericos seculares, eorundem verus Præsul & Pastor, quoad regulares verò illorum Superior Generalis esset, omnesque Causas Ecclesiasticas, profanas, civiles, criminales, & mixtas inter, seu contra prædictas aliasque personas in dicto Exercitu commorantes ad forum Ecclesiasticum quomodolibet pertinentes, etiam summarie simpliciter & de plano, sine strepitu & figura iudicij sola facti veritate inspecta audiendi, & sine debito terminandis contra inobedientes quaslibet censuras, & pœnas Ecclesiasticas, etiam sepius agravandi, auxiliumque brachij secularis invocandi: Præterea tibi, ac Presbyteris idoneis à te approbandis confessiones quarumcumque dicti Exercitus utriusque sexus personarum audiendi, illasque a quibuslibet excessibus, & delictis quantumcumque gravibus, ac etiam in casibus nobis, & dictæ Sedi specialiter reservatis, ac etiam contentis in litteris die cænæ Domini legi solitis (hæresis, læsæ Maiestatis, conspirationis in personam, vel statum Romani Pontificis, delationis armorum, & aliorum prohibitorum ad partes in fidelium, falsificationis litterarum, & supplicationum Apostolicarum, iniectionis manuum violentiarum in Clericos, seu Prælatos Ecclesiæ, clausuræ monasteriorum Sanctimonialium, ac iurisdictionis seu libertatis Ecclesiæ violationis, exceptis) necnon à quibusvis excommunicationis, suspensionis & interdicti, aliisque Ecclesiasticis sententijs, censuris, & pœnis propter promissa per eos quomodolibet incurfis, si id humiliter petierint, in reservatis ultimo, semel in vita, & in mortis articulo; in alijs verò casibus dictæ Sedi non refer;

reservatis, quoties opportunum fuerit, in iuncti inde eis pro modo culpæ
penitentia saluari in foro conscientie tantum absolvendi, in ea sibus ta-
man, in quibus satis ratio foret necessaria ea per se ipsos, vel eis impedia-
tis per hæredes, aut alios fieri debeat, necnon dicti Exercitus primarijs
viris, altate portatiles cum debita reverentia & honore, si tibi videbitur
expedire, super quo in locis ad hoc congruentibus, & honestis, etiam
non sacris, si tunc locus sacer haberi non poterit, & cum qualitate nego-
riorum id existerit dumtaxat celebrari possint concedendi, Ecclesijs
quoque capellas ac cemereria, & oratoria quomodolibet polluta in illis
partibus in quibus si ipse Exercitus in cederit per quoscumque idoneos
ad id specialiter deputandos Sacerdotes in Dignitate Ecclesiastica con-
stitutos, à quorum prius, à te seu per alium Catholicum antistitem ve-
moris est benedicti reconciliandi, ceteraque faciendi, & exequendi in
præmissis necessaria, & quomodolibet opportuna, non obstantibus Apo-
stolicis, ac in synodalibus, vel Provincialibus Concilijs, editis Gene-
ralibus, vel specialibus constitutionibus, & ordinationibus, necnon ordi-
num quorumcumque personæ huiusmodi professæ fuerint, etiam iura-
mento confirmatione Apostolica, vel quavis firmitate alias roboratis, sta-
tutis, & consuetudinibus, privilegijs quoque indultis, & litteris Apostoli-
cis, ordinationibus prædictis, vel eorum superioribus, aut singularibus
personis quomodolibet concessis, ac approbatis, & innovatis, quibus
omnibus, & singulis illorum tenores præsentibus pro plene ac sufficien-
ter expressis, ac de verbo ad verbum insertis habentes, illis alias in suo ro-
bore permansuris ad præmissorum effectum, ac vice dumtaxat speciali-
ter, & expresse derogamus cæterisque contrarijs quibuscumque: Volu-
mus autem ut his quos pro Sacramentis Ecclesiasticis militibus alijsque
personis quibuslibet dicti Exercitus ministrandis, ut prædicatur, depu-
tandos duxeris, pro istis tantum Sacramentis, quæ per simplices Paro-
chialium Ecclesiarum Rectores administrari consueverunt, & his quidem
eo dumtaxat tempore quo Exercitus prædictus in actuali expeditione
reperietur, secus verò quando milites in stationibus & Præsidijs dege-
rint administrandis deputati intelligantur. Dat. Romæ apud Sanctam
Mariam maiorem sub annullo Piscatoris die xxx. Septembris millesimo
sexcentesimo nonagesimo, Pontificatus nostri anno primo sumptum
ex minuta originali brevium secretorum felicitis recordationis Alexan-
dri Papæ octavi collationatum concordat I. frater Cardinnalis Albanus.

Loco sigil + li. Quo quidem sumpto viso, & diligenter examinato
ac fideliter cum suo originali comprobato, Ego Not. publicus infra-
scriptus hoc præsentis publicum transumpti instrumentum confeci, &
publicavi. In quorum fidem, &c. Actum etiam Romæ, &c. præsentibus
Dominis Benedicto Badia, & Decio Bellono ad præmissa vocatis atque
rogatis. Præinsertæ litteræ Apostolicæ cum suo originali revisæ con-
cordant. Iosephus Paulucius officialis deputatus. B. Card. Prodat. Lo-
co

co figil † li. Ita est Carolus Franciscus Francisconus Sacre Rotte
Not. Locus sig † ni. Cuiquidem transumpto dicti Brevis coram
nobis absque ulla suspitione sicut predicatur exhibitio & per not. infra-
scriptum collationato volumus & hortamur talem & tantum fidem ad-
hiberi, que qualis & quanta suo verò originali predicto si exhibitum fo-
ret adhiberet. Dat. Barcinonę die x. Ianuarij M. D. C. LXXXIII.

Riu Vic. Gen. & Offic.

*De mandato dicto Domini Vic. Gen. & Officialis præ-
dicta collationavit Doctor Franciscus Rifos Presby-
ter Not. & Curia Vicariatus Ecclesiastici Barcinon.
scriba, cum Sigilli dicta Curia impressione.*

Locus figil † li.

Papel quarto.

UNiversis, & singulis dominis Officialibus, Judicibus, & alijs qui-
buscumque personis, tam Ecclesiasticis, quam secularibus quacū-
que auctoritate, & dignitate fungentibus, seu futuris quibus præsentibus
pervenerint, seu fuerint quomodolibet præsentata. Franciscus Riu Pres-
byter D. D. in spiritualibus, & temporalibus V. G. & Officialis pro Illu-
strissimo Dño D. Emanuele de Alva Dei, & sanctæ Sedis Apostolicæ
gratia Episcopo Barcin. Regioque Conciliario, salutem in Domino.
Per præsentibus attestamus, dicimus, & fidem facimus quod die dat. præ-
sentium, & infra scripta instati, & requisiti pro parte Procuratoris Fis-
calis Curia Ecclesiæ Barcin. vidimus, legimus, & nostris proprijs manibus
tenuimus quandam Epistolam originalem à S. Congregatione E. Em.
D. D. sanctæ Romanæ Ecclesiæ Cardinalium S. C. T. Interpretum in
forma solita, & assueta more dictæ Congregationis expeditam, non vi-
ciatam, nec cancellatam, neque in aliqua eius parte suspectam, sed om-
ni prorsus vitio, & suspitionis labe carentem tenoris sequentis: vide-
licet in eius dorso. Per Illustri, & Reverendissimo Domino uti Fr.
Episcopo Coelsonens. Intus vero: Per Illustri, & Reverendissime
Domine uti Fr. ex reddita villicatione amplitudinis tuæ quam nedum
status Ecclesiæ scriptis sed ore complevit, Marianus Villanossa ab ea-
dem ablegatus in visitatione SS. Liminum pro nuper elapso vigesimo
quinto quadriennio de Benignitate Apostolica vice tua, vel alterius de
gre:

gremio capituli ad formam constitutionis Sm. Sixti V. admittus EE. PP. decretis Conc. Trid. interpretandis præpositi audientes te Pastore dispersos omnes lapides sanctuarij in capite omnium platearum, & ita per totam Diocesim superque pavens est cor tuum pro Arca Dei anxius que pro salute animarum: Huic gaudium magnam, & ingens lætitia zelo amplitudinis tuæ exercuit, tuisque interim quæsitis inhaerentes responsa edi mandarunt. Et primo quoad seminarij erectionem adeo nec effariam amplitudo tua utatur jure suo ad præscriptam normam S. C. T. ca. 18. sess. 23. de refor. Secundo, quoad consulendum animabus Parochiæ Cathedralis audito Parocho deputet coadjutores ad mentem S. Conc. cap. 4. sess. 21. Tertio, quoad celebrationem omissarum missarum à Sacerdotibus Ecclesiæ Oppidi Cervariæ, non obstante quacumque inhibitione, & Bulla Pauli IV. procedat, & exequatur Bullam Sm. Urbani VIII. omnino servandum illiusque decreta super celebratione missarum, & cogat juris remedijs ne vulnera pijs largitoribus hucusque per transgressores inflicta in dies magis exasperentur, nec locus est distributionibus quotidianis quæ pro eleæmosinis missarum legata fuere. Quarto, ut ad proximum. Quinto, cum natura beneficiorum de manualibus ad perpetuas Vicarias non nisi cum iuxta causa immutari quæat audiendi sunt, eisque præfigendus terminus Vicarijs, & cogendi ad munus eorum explendum, aliàs amovendos esse. Sexto, non obstante quacumque inhibitione Metropolitanæ procedat in causis immunitatis, & correctionis morum, & referat, quæ & cuius naturæ causa per septuaginta annos plusquam quatruiduana pendeat indecissa cum interim S. Congreg. dabit litteras Metropolitanæ pro celeri expeditione eiusdem. Septimo, utatur facultate sibi tributa à S. C. cap. 6. sess. 7. de refor. & uniat domum dummodo non sit alteri Parochiæ addicta. Octavo, S. Cong. censuit danda esse decreta in Echlinien. delegationis Apostolicæ relatarum in Congregatione particulari, sub die decima Julij 1690. cum infra scriptis dubijs. Primo, an breve sit concedendum & quatenus affirmativè? Secundo, an & in qua parte sit reformandum? Et ipsa Congregatio particularis ad primum respondit affirmativè? Ad secundum itidem affirmativè, & reformandum Breve in s. final. volumus autem appositum in Brevis Sm. Innocentij Undecimi, & Capellanis concedendam facultatem administrandi militibus, aliisque omnibus qui Castra sequuntur, ea tantum Sacramenta per Parochos Ordinarios administrari consueta, & hæc quidem eo dumtaxat tempore quo Exercitus reperiatur in actuali expeditione, secus verò quando Milites degunt in Præsidijs, & stationibus. Quæ decreta Capellano Regio notificet amplitudo tua, & iuxta formam præscriptam exequatur: Hæc sunt quæ respondenda duxerunt EE. PP. & Apostolicæ auctoritatis præsidio ad unguem servanda. Dum Nos ei diuturnam præcæmur à Domino foelicitatem. Romæ 22. Septembris millesimo sexcentesimo nonagesimo primo. Amplitudini tuæ. Ut

Fr.

Fr. Studiosus. G. Cardinalis Mariscotus Præfectus. R. Palladius Secret.
Cui quidem Epistolæ coram nobis absque ulla suspitione sicut prædici-
tur exhibite, & per Not infra scriptum collationatæ volumus, & horta-
mur talem, & tantum fidem adhiberi, quæ qualis, & quantum suo veró
originali prædicto si exhibitum foret adhiberetur. Dat. Barcin. die de-
cima Januarij millesimo sexcentesimo nonagesimo quarto.

Riu Vic. Gen. & Offic.

*De mandato dicti Domini Vic. Gen. & Officialis præ-
sensata collationavit Doct̃or Franciscus Rifos Presby-
ter Not. & Curie vicariatus Ecclesiastici Barcinon.
scriba, cum Sigilli dicta Curia impressione.*

Locus sigil + li,